

nam causam pro virili defendere ne prætermittas : nec modo rei dignitate , quæ summa est , sed rangaris etiam oportet utilitate . Multa enim habes a Deipara Virgine animi grati erga Te , ac beneficiorum memoris argumenta . Mulier illa nimirum amicta sole , sub cujus pedibus luna est , perfudit lumine beatissimo Majestatem Tuam ; hoc est Te , Regiamque familiam bonis omnibus cumulavit . Illius ope , ac patrocinio perfectum est , ut firmiter Augustissimi Generis filios multos susciperes , Tuique simillimos educares . Illa hoc Tibi quotidie præstat , ut florentissima Regna , gentesque subjectas diuturna pace , justitia , pietate foveas . Eademque præstabit (quod ut ita sit , vehementer opto) ut pro hac Tua Conceptionis ornandæ voluntate quam diutissime Hispania Te vivente perfruatur ; Tuque Noninis gloriam una cum sanguine , ac Posterorum imperio ad immortalitatem producas .